

A
ATHANASII KIRCHERI
SOC. IESV
OE D I P I
AEGYPTIACI
Tomi Secundi
P A R S A L T E R A
Complectens Sex posteriores
Classes.
Felicibus Auspicijs
F E R D I N A N D I III.
C A E S A R I S.



R O M Æ,
Ex Typographia Vitalis Mascardi, Anno M DC LIII.
S V P E R I O R V M P E R M I S S V.

HEMISPHAERIVM BOREALE

ZODIACI

Ex mente Aegyptiorum.



HEMISPHERIUM AVSTRALE

ZODIACI

Ex mente Aegyptiorum.



prietatem vel virtutem, eas res & animalia quærebant, quibus talis proprietas vel actio excellentius inerat. Vocabant autem actionem, modum quandam nascendi, florendi, generandi, crescendi, prolificandi, fructificandi, concoquendi, pariendoque, quo singulæ res, insito sibi veluti pondere quodam & naturali appetitus stimulo se inuicem prosequuntur, horrinent, & alliciunt. Configuratio verò, seu characterismus est similitudo signaturæ seu characterismi in uno & altero elucentis; effectus siquidem similis præsupponit interni agentis seu causæ in utroque similitudinem, idque tanto evidentius, quanto illa signatura fuerit evidentior. Sic Alexipharmacæ coniecurantur, quæ cornu cerui mentiuntur, serpentesque repræsentant &c. idque ex hoc fundamento, quod id, quod cornu ceruini figuram gerit, à simili principio interno sit productum, à quo idem illud cornu. Similitudo itaque principij virium similitudinem conjecturare facit. Penetrarunt hoc naturæ arcanum per optimè Ægyptij Philosophi, qui membrum male affectum, simili membro ex animalibus assumpto, atque in cibum dato, curabant. Sic hepatici hepatis capraruim, columbarum, cœterarumque animalium hepaticam naturam redolentium curabantur. Phisicis pulmonibus animalium pulmonarijs herbis priùs aliquanto tempore pastorum, herbis quoque pulmonem respicientibus decoctis ac præparatis medebantur. Cordiacis, rebus cordiacis, cordibusque animalium naturam cordis referentium, subueniebant. Capitis infirmitatibus cerebris auium appropriatarum. Et sic de singulis alijs curam diuersorum membrorum instituebant. Et nè Medici tantarum rerum mole distraherentur, lege cautum erat, nè unus Medicus totius humani corporis infirmitates curandas susciperet, sed singuli singulorum membrorum, veluti onere distributo in plures, euræ incumbebant. Hinc Medici Ophtalmici, solis morbis oculorum sanandis media inquirerant apta. Cephalici, capitis morbos explorabant, ijsque remedias aptas quærebant. Sicuti Cordiaci Medici cordis; Splenetici splenis; Hepatici hepatis; Stomachici stomacho; Pectorales pectori; Pulmonares pulmoni medebantur. Sic fiebat, ut felicissimè in destinata cura progrederentur. Quæ quidem methodus à primis sæculis usque in hodiernum diem propagata in Ægypto adhuc durat, ut Prosper Alpinus in libro de Medicina Ægyptiorum narrat.

§ III.

De Philosophia astræa seu siderea, qua Philosophi & Medici Ægypti in morborum cura utiebantur.

Fuit hæc Medicina tota hieroglyphica, & solis nota Sacerdotibus Hieromantibus, quam & supra citatus Elluchasen Arabs in suo de Ægyptiorum moribus aureo sane libello amplè describit. Constatbat autem in catenarum mundialium, quas supra explicauimus, dispositione.

Dogma

Animalium
membra me-
dientur affec-
tis homi-
num mem-
bris.

Prosper. Alpi-
nius.

Dogma siquidem erat, non Hebræorum tantum, sed & potissimum Ägyptiorum, nullum esse humani corporis membrum, quod non haberet propriam herbam, plantam, lapidem suæ salutis vindicem, ac proinde amicam, sympathicam, & quæ naturali quâdam inclinatione ad dicti membra, si quando defecerit, conseruationem concurreret. Iterum nullam esse in inferiori sublunaris Mundi Oeconomia speciem, ex herbis, plantis, lapidibus, animalibus, quæ non suum haberet sidus sibi proprium, cuius influxu suas perficeret naturæ dotium viriumque functiones; neque ullum sidus, quod non suum sibi haberet appropriatum Genium, cuius præsidio fulciretur, cuiusue iussu influxum suorum munera speciei suæ tutelæ commissæ communicaret; Genijs in illo abyssali diuinitatis centro, à quo omnia profluunt, quiescentibus, & ad supremi Numinis, vnicuique rei sufficientia ad sui conseruationem media præudentis voluntatem exequendam paratis. Quod quidem dogma tanquam cœleste arcanum tanto apud Sacerdotes pretio habebatur, vt non immrito illud hieroglyphicis symbolis, vt postea demonstrabitur, occultandum censuerint. Verum nè quicquam confinxisse videamur, apponam hoc loco authoritatem Abenrahhmon filij Senis excellentis Elmorgum, Philosophi Arabis, qui proposita hoc loco à nobis doctrinam fusè tradit in Operæ quod denominat *الحكماء مصر* *الحكماء* *العلیم* *الحكماء مصر* *Sapientum Ägypti*. Sic autem loquitur:

يختص الحكماء مصر ان ييخذوا باستعمال الادوية من كل انواع الطبيع صفا ومن كل درجة الوجود ان كلهم الذين لهم المثل والصفة مع السبع كواكب السهرارة كقولك كلهم الذين لهم المثل الى الشهرين ومن فلكها وما لها من الايام من الأرض المعدنها وحجرها وحيوانها البري والبحري ومن فباتها واستنفرها وحواضها ومن جميع فعالها كلهم باستعمال الدوا القلب الذي هو كما شمس اخر العلام تغير وهكذا كانوا يعملون بكل انواع الام وامراض الراس والكمب والمعدة والرية وغيره

Abenrahhmo.

Proprium fuit Ägyptiis, in usum Medicinarum ex omnibus naturæ species, & ex omnibus gradibus entium eas res feligere, quæ aliquam similitudinem & proprietatem cum septem planetis obtinerent; exempli gratia, omnes species quæ similitudinem aliquam ad Solem haberent, feligebant ex mineralibus, metallis, lapidibus, animalibus tam sylvestribus, quam maritimis, ex plantis & herbis, & ex ijs quæ influxum eorum concernunt, proprietatibus, ex omnibus denique operariis rerum Solarium in usum Medicinæ cordis, quia cor est quasi Sol quidam minoris Mundi, adaptabant. Et hoc pacio operabantur in omni infirmitatum genere, v.g. capitis, hepatis, stomachi, pulmonis, & cæterorum membrorum curis. Deinde pergit ad particularia, ex omnibus recensitis rebus feligere, & morbis Solaribus Solaria, Lunaria Lunaribus, Saturnina Saturninis, Martialis Martia, Venerea Venereis, Iouia Iouijs, Mercurialibus Mercurialia adaptare, Medicinarum vim, compositionem, & vim ostendere. Quæ cum nos in præcedentibus ostenderimus, superuacaneum esse ratus sum ea, hoc loco repetere. Cum itaque membra singula humani corporis alicui ex planetis & signis Zodiaci subjiciat, & ex singulis naturæ gradibus, entium-

Philosophia
astræ Ägyptiorum con-
fitebat in ca-
tenarum
Mundialium
dispositione.

Dogma Ägy-
ptiorum de
superiorum
cum inferio-
ribus conve-
nientia.

tiuumque Mundanorum Clasib⁹ eas res, quæ tali & tali planetæ ac signo similitudine congruent, accommodet, tale ponit pronunciatum :

كل وحدة من المجموع للجوازات والنهايات ومعنٰيات الذين لهم المثل وصفة مع الكواكب من كورين وهو جاسنة عمال الراوا يفتح من عضاً الذين لهم مثل مع النجوم الذين ذكرناه

*V*nusque specierum ex animalibus, plantis, metallis, aliquam similitudinem obtinet ad planetas memoratos, *et iste in vſu Medicinæ conferunt membris quibus similitudo est cum stellis, quas memorauimus.*

Marsilius Ficinus
Quæ omnia Marsilius Ficinus ex Antiquorum traditione confirmat his verbis : *Adhibit⁹ autem, quæ ad stellam talem pertinent, stellæ Dæmonis que huīus proprium subit influxum, velut lignum per sulphur paratum ad flamnam ubique præsentem. Atque hinc non modò per ipsos stellæ Dæmonis que radios, sed etiam per ipsam Mundi animam ubique præsentem, in qua et cuiuslibet stellæ Dæmonis que ratio viget, partim quidem seminalis ad generandum, partim etiam exemplaris ad cognoscendum. Hac enim secundūm Platonicos antiquiores rationibus suis edificauit ultra stellas in Celo figuræ partesque ipsarum tales, ut ipse quoque figuræ quædam sint : impressaque his omnibus proprietates. In stellis autem figuris, partibus, proprietatibus, omnes rerum inferiorum species continentur, et proprietates earum. Vniuersales verò figuræ octo posuit atque quadriginta, scilicet in Zodiaco duodecim, extra verò sex atq; triginta. Item in Zodiaco triginta sex ad numerum facierum. Rursus ibidem trecentas atq; sexaginta, ad numerum graduum ; In quouis enim gradu sunt stellæ plures, ex quibus ibi conficiuntur imagines. Similiter imagines extra Zodiaccum in plures diuisit figuræ pro facierum ibidem graduumque suorum numero. Constituit denique ab imaginibus his vniuersalibus ad vniuersales imagines habitudines, et proportiones quædam, quæ ipse quoque imagines illuc existunt. Eiusdem verò figuræ continuitatem quæque suam habent ex radib⁹ stellarum suarum in se inuicem peculiari quædam proprietate coniectis, à quibus formis ordinatisimis dependent inferiorum formæ, illinc videlicet ordinatae. Sed et Cœlestes illæ tanquam et inter se disiunctæ, procedunt à rationibus animæ coniunctis inuicem, et quodammodo mutabiles à stabilibus. Sed hæ quatenus se ipsas non comprehendunt, referuntur ad formas in mente, vel animali, vel eminentiore se comprehendentibus, quæ tanquam multiplices rediguntur ad simplicissimum unum atque bonum, sicut figuræ Cœlestes ad polum. Quemadmodum verò non singulæ species rerum in terra iſdem Genijs subdebantur, sed pro ratione Nationum, quibus præsidebant, diuersis ; ita Aegyptiarum species rerum peculiares sibi Aegypti proprios Genios sortiri putabantur ; erant enim dominia Geniorum, vt ipsi tradunt, diuersa, vti & diuersæ iurisdictiones. Hinc plantas alienigenas tanquam sub aliena iurisdictione degentes, in vsum siue medicum, siue mysticorum Sacrorum, nunquam assumendas esse iudicabant, vti supra insinuatum est ; imò singulis præfecturis singulas species sub approprias Genijs distributas habebant, vt docet Iamblichus in suo de mysterijs Aegyptiorum libello, his verbis. Hac igitur Sacrorum sapientia contemplata, atque ita secundūm congruentiam competentiā vnicuique Deorum suscepitacula, dili-*

Figuræ celestes ab Antiquis positæ.

Aegyptij proprios Genios colebant in singulis Praefecturis.

Iamblichus.

diligenter inueniens, sepe componit in unum lapides, herbas, animalia, aromata, alaque similia, sacra, & perfecta, & Deiformia, atque subinde ab his omnibus susceptaculum purum integrumque fabricat. Neque enim fas est omnem materiam detestari, sed solum quae a Dysis fuerit aliena. Propriam vero ad illos decet eligere, utpote quae consentire possit, atque conferre ad Deorum edificia, statuarum fundamenta, sacrificiorum opera. Neque enim alter terrenis locis & hominibus hic habitantibus possessio portione villa ex diuinis contingere potest, nisi tale quoddam prius iactum fuerit fundamentum. Arcanis sermonibus credendum est, testantibus ex Deis per beatam spectacula quandam traditam fuisse materiam. Hec igitur illis ipsis tradentibus est cognata. Talis ergo materia sacrificium Deos excitat, ut se demonstrent, atque ad comprehensionem eos protinus aduocat, & praesentes capit, & perfectè demonstrat. Eadem aliquis perdiscere potest etiam ab ipsa quae secundum loca distributio diuinitus est effecta, atque ab ipsa prefectura, quae per res singulas est diuisa, que curque secundum diuersos ordines, siue maiores, siue minoris, passim sortes eiusmodi nacta sunt. Constat enim Deis locorum quorundam rectoribus, sacrificium ex eisdem rebus, quae nascentur ibidem, fore admodum consuetaneum, & gubernatoribus gubernata, & quae ad ea pertinent placitura. Erectoribus & grata semper sunt opera sua potissimum, & qui primò aliqua procreant, talia rursus habent in primis accepta. Siue igitur animalia quædam, siue plantæ, siue alia quae visa superis dispensantur simul, & prefecturam sub eis nacta sunt, & communionem nobis conciliant cum superis individuam. Horum ergo nonnulla quatenus conseruantur atque tenentur, augent tenentium ad Deos familiarem proprietatem, quotcunque videlicet ex eo quod integra maneat, vim communionis inter homines Deosque conseruant. Talia sunt quædam apud Aegyptios animalia, & ubique sacer homo; quædam vero mactata combustaque familiaritatem efficiunt clariorem, quotcunque videlicet resolutionem in primorum elementorum principium efficiunt cognatiorem causis superiorum, atque pro ritu sacratorem. Ubique enim quod magis proprietas familiaritasque perficitur, eò perfeliora bona ad nos inde descendunt. Neque sunt hec hominum dantaxat inuenta, nec humanis moribus autoritatem nacta sunt, sed Deus ipse ritè inter sacra vocatus Author est eiusmodi legum, circa quem Dij Angelique permuli versantur, sub quo per quaslibet in terra gentes, Numen aliquod sortitum est Prefecturam communemque Provinciam. Proprium quoque inde tributum est templo unicuique Numin. Item sacrorum quae operamur ad Deos, Deus aliquis spectator est atque gubernator; quae ad Angelos, Angelus; quae ad Daemones, Demon; atque in alijs eodem modo secundum proprium genus perfectius cognatam sortitus est Prefecturam. Et tametsi in Astrologia Aegyptiorum catenas herbarum cum planetis, duodecim signis Zodiaci, vti & Decanis eorum, vna cum Genijs praesidibus per fusas tabulas exhibuerimus, hic tamen veluti ex professo, easdem fusilius specialiusque exhibere vilum est, ne quicquam in Operc hoc, Medicis nostris proficuum omisisse videremur. Dicorum autem & dicendorum figuram hic appono, ex qua mens luce meridianâ clarius elucescit.

358 OEDIPI AEGYPTIACI GYMNAS. HIEROGL.
Typus Sympathicus Microcosmi cum Megacosmo.



Characterismi plantarum ad duodecim signorum Characterismos, & humani corporis membra comparati, iuxta methodum tum Hebraeorum, tum modernorum Medicorum; quorum hi omnia ab Hebreis, illi ab Aegyptijs traditione acceperunt.

Quoniam verò non omnes herbæ, quæ ad signum aliquod referuntur, eiusdem gradus qualitate pollent, neque quolibet tempore suum sibi virtutis valorem obtinent; hinc singulas plantas ad aliquod signum spectantes, quaternis gradibus distinctas adducemus, & quo loco, & tempore colligendæ sint, ut membro quod respiciunt, seruant, quas præterea ad reliqua signa antipathias habeant, declarabimus, ut sic omnibus numeris absolutum botanicum hoc argumentum in usum prodeat; quæ partim ex Auenar Hebræo, partim ex Carichteri Germani Botanica astrali extraximus. Ab Ariete itaque, exordium faciemus nostræ disceptationis.

Characterismi plantarum gradus signorum Zodiaci Characterismos, & membra hominis nisi comparati.

I. Aries ♀.

Aries est signum masculinum, igneum, calido-siccum, sympatheticum capiti. Plantæ primo gradu calido-siccæ sunt.

Plantæ ad ♀ relate.

- I Grad.** Artemisia rubra, Betonica, Cychorium, Consolida regalis, Ebulus, Mentha, Tussilago, Veronica. Colligendæ sunt in fine Canicularium dierum post plenilunium.
- II Grad.** Plantæ secundo gradu calido-siccæ sunt. Asparagus, Hyparicum, Millefolium, Plantago, Pœonia. Colligendæ sunt Sole & Luna existentibus in Cancro.
- III Grad.** Agaricum, Cataputia, Chamælea, Colocynthis, Farfara, Gentiana, Ligustrum, Ricinus, Sambucus. In fine Iulij, & principio Augusti colligendæ sunt.
- IV Grad.** Abrotanum, Helleborus albus, Maiorana, Marrubium, Nasturium sylvestre, Rosmarinus. Colligendæ sunt partim mense Aprilis, partim Septembribus.

II. Taurus ♀.

Taurus signum est foemineum, frigidum & siccum, terrestre; sympatheticum est collo & gutturi.

Plantæ ad ♀ relate.

- I Grad. Plantæ frigido-siccæ primo gradu, Asplenion, Caterah, Chamædris, Hedera terrestris, radix Liliorum, Narcissus, Polypodium, Rosæ, Valeriana, Viola. Emolliunt tumores faucium & lienis.
- II Grad. Adiantum, Akakengi, Aquilegia, Hedera muraria, polygonatum, Quercus, Viscus quercinus. Vulneribus conserunt.
- III Grad. Buglossa, Carduus benedictus, Cynoglossa, Eupatorium, Lappa minor, Origanum, Petroselinum, Sanicula, Scrophularia, Tormentilla, Vinca per Vinca. Omnes vulnerariæ sunt.
- IV Grad. Auricula muris, Bardana maior, Chelidonium maius, Fraxinus, Malua, Pulmonaria, Scabiosa; & antipathiam habent cum sublunaribus, quæ Libræ & Scorpioni sublunt; sympathiam cum ijs quæ Cancro & Sagittario.

Auenar in Astrologia Aegyptiorum, sequentes rerum species TAURO adscribit :

ומן החיות כל שיש לו ארבע רגליים ומן אילנות הנבותות וכל אילן עוזה פרי וכל אילן שאן לו צורך למים ובן עץ ישתוולות בפריו עץ טעמי וריחו טובים:

Ex animalibus, inquit, omnia quadrupeda, ex arboribus, alta, & omnis arbor fructifcans, ex omnibus modice aquæ indiga, uti montana, fructu valida; omnes denique plantæ & arbores gustui, savori, & odori suaves.

III. Gemini.

Plantæ ad II
relatae.

GEMINI sunt signum masculinum, aereum, calidum & humidum, sympatheticum humeris.

- I Grad. Anisum, Althæa, Borrago, Foeniculum, Hyssopus, Petroselinum, Prunella, Ruta muraria.
- II Grad. Bardana maior, Silix, Tilia alba, Rapa.
- III Grad. Alsine, Arum, Macis, Rumex rotunda, seu Oxalis, Vrtica mortua.
- IV Grad. Acetosa, Chamædris, Chamomilla, Chelidonium Parthenium, Reubarbarum. Et omnes antipathiam habent cum sublunaribus Capricorni; sympathiam cum herbis Libræ & Aquario subiectis. Aegyptij verò, vt Auenar recitat, Geminis subdebant sequentia :

תאותים והלחות חמה ולחה ובהלazon חם ומטעמו מתוק ומפארה העינים כל עין מתחפה לעיניים רבים ובחלזון

חולצו מן החים כל אדם והצוף והעוף שיש לו יגוז ערבי
ומן הצמחים האילנים הגבוהים :

Et temperamentum eius est calidum humidum, ex parte humorum sanguinem habet; ex saporibus omne dulce; ex coloribus, omnes mixtos ex pluribus. Ex viuentibus partem habet hominem & Simiam, ו omnes aues suavit cantu polentes, ו ex Vegetabilibus denique omnes arbores altas.

IV Cancer ☽.

Cancer signum est foeminiūm, aquilem, frigidum humidum, sympathicum pectori, pulmonibus, costis, lenti, quorum quoque affectibus medentur sequentia, iuxta gradus suos distincta.

I Grad. Alsine, Brassica, Carduus, Fabarum flores ac fructus, Rapula, Vitex, Scrophularia.

II Grad. Arbutus, Coni Abietis, Pini nuclei, Consolida, Solanum, Therebinthus, Viscus.

III Grad. Iuncus, Nasturcium, Semen petroselini, Portulaca, Salix, Saxifraga, Vermicularis.

IV Grad. Conchæ, Corallæ alba, Crystallus, Mater perlarum, Nymphaea, oculi Cancri, Pœonia, Sedum, Viriolium, & quæ antipathica sunt sublunaribus Sagittarij, sympathica Tauri & Libræ.

Grad. placenti frigido-humido. Ægyptij verò, prout Auenar recitat, sequentia subdunt Cancro:

הסרטן והוא צר ולח במעט יושר ומטעמו חמוץ
ומלח ומראה העניים הלבן, ועין העפר וכמו העינים
המעשנים ורומה להם ובחילצו מן החים כל חיית
ושורצים ותקנים מן הדגים וחיות היבשה והעקרבים
ורמש הארמה ובכל יורה על מים שיש להם חנווע רבא
ובכל צמח שהוא עם מים ומיימי הגוף ובכל מים מתוקים:

Cancer est frigidus et humidus parum; ex saporibus habet acrem salsum; ex visibilibus habet colorem album, et cineritum, et qui assimilatur ei. Pars animalium sunt aquatica omnia, serpentia, et parui pisces, et animalia secca, et scorpiones, et omne quod reptat super terram; in summa significat supra aquam multum mobilem, et omnia germinantia supra riuos aquarum, et que supra torrentes sive aquas pluviales et dulces proueniunt, respicit.

VI Leo ☉.

Leo signum est masculinum, igneum, id est calidum siccum, sympathicum cordi & stomacho, & sequentes species sub se continet.

Plantæ ad ☉ relatae.

I Grad. Basilicum, Crocus, Cypressus, Garyophillum, Hyssopus, La-
uendula, Plantago aquatica, Ros Solis, Thymus.
 II Grad. Angelica sylvestris, Bifolium, Centaurea, Galanga, Gen-
tiana, Morsus Diaboli.
 III Grad. Cotula scutida, Pastinaca, Mentha, Nasturcium Hortense,
Pulegium, Ranunculus, Vrtica.
 IV Grad. Betula, Genista, Buxus, Laurus. Primi gradus herbæ colliguntur Sole existente in Piscibus, & Luna in Cancro. Secundi gradus species colliguntur in principio Maij ante ortum Solis, vel sub finem Augusti; vel Sole existente in Tauro, & Luna in Geminis, ante ortum Solis. Tertij gradus species colliguntur Sole existente in Leone, & Luna in Virgine ad ultimum quadratum, vel ad refrigerationem, Sole in Tauro, & Luna in Geminis versantibus, ante ortum Solis. Quartii gradus species colliguntur Sole in Piscibus, & Luna in Aquario; ex influxu enim huiusmodi ad temperiem reducuntur. Verum audiamus de hisce Auenar ex mente Ægyptiorum sic differentem;

ותולדו חמה ויבש והרחה הארמה ומטעמי מרוחrif
מראה העינים המכובכה והצוב ומין החיות האריות
והנמרים והצפועים והודובים והואבים ומכל המתבות
הזהב והכסף והאבנים היקרות והאבן הנוקבת האבני
הנקראות אלמאם והאבן מלכות התבן הנק אלסרוובל
מלאת האש:

Id est, Complexione calidum siccum; ex humoribus habet choleram rubream; ex saporibus amarum & acutum; ex coloribus crecum, rufum, ad rubinem vergentem; ex animalibus habet Leones, Leopardos, Basiliros, Vrsos, Lupos; ex metallis Aurum & Argentum, lapidesque pretiosos, Adamantem, Chrysoprasum, & qui dicitur Elsari, & omne opus ignis.

Plante ad 112
relatae.

Virgo est signum foemineum, terreum frigido-siccum; sympathicum hepatis, intestinis, & ventri, cuius species sequuntur.

Grad. I. Acetosa, Berberis, Cychorea, Plantago acuta, Pyrus, Salvia sylvestris; natura frigido-siccæ.

Grad. II Beta alba, Cynobatos, Mespilus, Sigillum Salomonis; secundo gradu frigido-siccæ.

Grad. III. Aristolochia, Consolida media, Coniza, Prunella, Quercus; tertio gradu frigido-siccæ.

Grad. IV. Carduus benedictus, Centaurea minor, Ophioglossum, Prunus sylvestris, cum omnibus suis partibus, Serpentaria, Tormentilla.

la. Sympathicæ sunt cum Tauri speciebus; antipathicæ cum Ariete & Leone; de quibus ita Auenar in Astrologia Ægyptiorum:

ותולתרו קרה ויבשח והוא מולד המלה החזורה ומטעמו חעפץ והעוזר ומפארה העיניים הלבן והארוגמן וען הערוב להלצז מזחחים הארים והעופ ומן הצמחים כל צמח קטן שאין לו שוק במו רחמה והשערה והפיל וכל מין מן רוענים:

Natura eius frigida & sicca; & generat Choleram nigrum; ex saporibus habet stipticum; Ex coloribus album, & purpureum, atque cineritium; Ex viuentibus hominem, & aitem; Ex germinantibus, omnem plantam, cuiusmodi est frumentum sine stipite, hordeum, fava, & omnia genera seminum.

VII Libra

LIbra est signum masculinum, aëreum, calidum humidum; Renibus & vesicæ sympatheticum. Cuius species sequuntur.

Plantæ ad hanc relatae,

Grad. I. Bellidis genera omnia, Consolida media, Parthenium, Prunella veris, Mæum, Tragopogum.

Grad. II. Allium, Althæa, Chamæmilla, Martagon, Malua, Verbena, Vilicus, Tilia.

Grad. III. Antirrhinum, Artemisia, Chalidonium maius, Mentha nigra, Scabiosa, Scrophularia.

Grad. IV. Alyssum, Alsime, Corylus, Ruta muraria. Auenar vero sequentes species refert.

ותלרתנו חמה ולחה ושלא חארם ובן עוף בראשו גדול ומן הצמחים האילניים הנבוחים ומטעמים מתוק ופארה עינים הרוץ וען עבר :

Natura eius calido humida; ex animalibus habet hominem, & aies magni capitis; & ex germinibus, arbores altas; ex saporibus dulcem; ex coloribus viridem & cinericium.

VIII Scorpius

SCorpius est signum fœmineum, aqueum, frigidum humidum; sympatheticum partibus genitalibus. Species eius sequuntur.

Plantæ ad hanc relatae,

Grad. I. Cruciatæ, Oxyacantha, Sorbus sylvestris.

Grad. II. Fraxinus, Roma omnis generis, Prunus, Concha, Ostrea; huc pertinent omnia simplicia primi gradus Cancri, si mense Octobris collecta fuerint.

Grad.

Grad. III. Beetrosella, Erua, Parthenium, Saponaria, & omnes herbæ, secundi gradus, collectæ Sole in Cancro existente.

Grad. IV. Atriplicis species, Beta rubra, Mercurialis, Narcissus.

ומטעמו כל מילוח ותפל ועין מראותו מהות יורוק ועין העפה וחלצו מהחאים העקרבים והחיות ורמש האדמה והחיות הימים וכל מים שם רצום ומחרים וכל צמח שהוא בימים ומין האזמיחים האילינס האמציעים:

Ex saporibus salsum & insipidum; ex visilibus rubrum, viridem & cineritum seu caruleum; ex animalibus, Scorpiones, opne reptile super terram, omnia animalia aquatica; & ex generibus omnia ad aquas vel intra aquas nascentia, ut corallus; ex germinibus arbores medias, &c.

IX Sagittarius ♐

Planta ad ♐ relata. **S**agittarius est signum masculinum, igneum, calidum siccum, sympathicum coxis, lambis, & similibus. Species eius sunt.

Grad. I. Consolida maior, Cœpa, Raphanus, Sesamum, Flores Tiliæ, Verbena lutea.

Grad. II. Allium, Angelica sylvestris, Hyoscyamus, Leuisticum, Salicis folia.

Grad. III. Asarum, Beta rubra, Chalidonium, Crocus, Curcuma, Filix, Hedera terrestris, Iuglans, Rubia, Succisa.

Grad. IV. Antimonium, Momordica, Euphorbium, Nasturcium, Viris alba. Iuxta Auenar, ex animantibus habet homines, equos, aues, serpentes; ex metallis Plumbum & Stannum; ex lapidibus Smaragdum.

X Capricornus ♑

Planta ad ♑ relata. **C**apricornus est signum foeminitum, terrestre, frigidum & siccum, sympathicum genibus & neruis. Species eius sunt sequentes.

Grad. I. Calendula, Cerasa nigra, marina, Enula, Morus, Vaccinia.

Grad. II. Scarlea, Verbascus.

Grad. III. Acorus, Arum, Bursa pastoris, Cucurbita, Sonchi omnis generis.

Grad. IV. Helleborus, Hyoscyamus, Mandragora, Napellus, Solanum, & omnes herbæ venenosæ, Staphisagria. Auenar, Ex saporibus amarum & stipticum habet; ex coloribus, nigrum, puluerulentum; ex animalibus partim quadrupedia, partim aquatica; ex germinantibus olinas & glandes, frutescens & spinosas.

XI Aquarius

AQuarius est signum masculinum, aëreum, calidum humidum, sympathicum tibijs, & omnibus his speciebus adornatum.

plante ad *XXX*
relata.

Grad. I. Angelica, Daucus, Ficus, Fraxini flores, Juglans, Melilotus, Sanicula, Sigillum Salomonis.

Grad. II. Consolida regalis, Cuminum, Epithymum, Geranium, Lappa, Radix rhodia, Parietaria.

Grad. III. Agrimonia, Myuris, Horminum, Saxifragia, Serpentaria, Salvia sylvestris.

Grad. IV. Asari folia, Cardiaca, Cicuta, Mespilus; quibus addit Auenar, ex humoribus sanguinem; ex saporibus dulcem; ex coloribus viridem, citrinum.

XII Pisces

Pisces, signum fœmininum, aquaticum, frigidum humidum, sympatheticum pedibus; cuius species sunt:

plantæ ad *X*
relata.

Grad. I. Fagus, Aristolochia, Caulis caput, Cucurbita, Myrabolanus, Napus, Nymphæa, Portulaca.

Grad. II. Artiocus, Anthirrinum, Cyanus, Stæchas citrina.

Grad. III. Nigella, Papaver cornutum, Sonchus.

Grad. IV. Cicuta, Hyoscyamus, Napellus, Salanum, Serpens; quibus adiungit Auenar ex saporibus salsum; ex coloribus viridem, album & varium; ex animalibus omnia aquatica; ex germinantibus itidem aquatica; ex lapidibus, corallum.

Atque hæ sunt species, quas Neoterici nonnulli iuxta Ægyptiorum regulam duodecim signis subdiderunt; sed qui penitiore ea trutina examinari, inueniet multa hincare, nec satisfacere posse, cum vni & eidem signo prorsus contrariarum qualitatum species subiecerint, venosa salubribus prorsus sine ratione miscuerint. Non sic Ægyptij, qui summo iudicio vnam aliquam plantam feligebant, quæ signatura membrum & qualitatem eius exprimeret, eodemque tempore colligeretur; verbo, tam exactè singula vnicuique signa subiecta, siue saporem, siue odorem, siue formam & figuram species, disponebant, ut nihil vndeique foret, quod non omnimodè cœlesti signo, & membro quod denotabat, responderet, ut paulò post videbitur, ubi primam classem planetiarum specierum examinauerimus.

Ex

Chas

*Characterisni Plantarum ad septem Planetas
comparati.*

Characterisni plantarum
ad Planetas comparati.

INfluentia stellarum sunt effluvia peculiaribus facultatibus praedita, quibus res sibi familiares, si robustæ, & in vigore stellæ fuerint, roborent, secundant, promouent; contrà, res sibi contrarias debilitant, deprauant, impediunt. Familiaritas siquidem stellarum cum sublunari bus ex mente Platonis & Paracelsi iuxta stellas singulas, & singula sublunarum genera, constituenda foret; (nam stellas singulas singulis sublunarum speciebus præesse volunt, & ijsdem peculiari influentiâ, suas vires influere.) Verum cum difficile esset, singulis individuis singulas stellas assignare; hinc forsan nonnulli, meliori iudicio, non rebus singulis singulas stellas, sed facultatem tantum viresque, quibus singulæ à natura dotatae sunt, stellis aptè assignarunt. Hinc Lunæ naturam exprimentes res, lunares; Mercurio competentes, Mercuriales; Veneri, Venereas; Soli, Solares aptè denominarunt, ut doctè demonstrat suprà citatus Arabs Aben-elrahmon. Quæ quales fuerint hoc loco exhibendas duximus, à Saturno incipientes.

*I. Saturnus 5 eiusque species ex Auenar.
extractæ.*

VTI Saturnus ex se & sua natura malignus, summè frigidus, melancholicus, Martis amicus, reliquis inimicus; sic progenies eius similibus dotibus instrueta est, ac proinde præcisè in Microcosmo liensem respiciunt; membrum similibus qualitatibus insignitum.

Res Saturninae, & Spleneticae.

Res Saturninae seu spleneticae humeræ.

EX Mineralibus Cinabrium, Plumbum, Auripigmentum, possidet; ex lapidibus, Marchasitam, Saphyrum, & omnia terrea fusca & ponderosa; ex vegetabilibus omnia venenosa & narcotica, vti sunt Aconitum, Helleborus, Hyoscyamus, Solanum, Opium, Cicuta, Napolillus, & medie naturæ res, vt Vitex, Asphodelus, Cannabis, Cypressus, Filix, Lappa, Mandragora, Pinus, polypodium, Scolopendria, & omnes Aspleniorum & Semperiuorum species, Serpentaria, Tamariscus. Ex animalibus, solitaria, nocturna, tristia, vti sunt Asinus, Ursus, Bufo, Camelus, Talpa, Scorpio. Ex avibus, Bubo, Coruus, Noctua, Vespertilio, Upupa.

II Iuppiter 7 res Iouiales.

Res Iouiales seu Hepaticæ hora 2.

IUPPITER, zœs, vita, benignus planeta, vti moderatissimus, ita omnibus amicus est, si Martem excipias, & hepatis sympatheticus est; has sibi species subiectas habet:

Ex mineralibus, Aurum, Corallum, Hyacinthum, Iaspidem viridem, Saphyrum, Smaragdum. Ex vegetabilibus, Amygdalum, Buglossam, Calamentham, Hepaticam nobilem, Lilium candidum, Morum, Pomum, Ocymum, Oliuam, Origanum, Prunum, Oliuam, Paeoniam, Rubiam tinctorum, Spicanardum, Symphytum, Violam, Manna, Mastichen, Styracem, Saccarum, & omnia boni & aromatici odoris, & saporis dulcis. Ex animalibus Agnum, Ceruum, Elephantum, Ouem, Taurum; ex auibus, Aquilam, Gruem, Phasianum; ex aquatilibus Delphinum. Antipathica sunt ei omnia Marti subiecta, vt sequitur.

III. Mars, ♂ res Mariiales.

Mars, *περιτης*, malignus, summè calidus, præter Venerem omnibus inimicus, vesicæ fellis sympatheticus est, & continet has species.

Ex mineralibus Auripigmentum, Arsenicum, omnia rubea, ignea, sulphurea. Ex lapidibus, Adamantem, Amethystum, Magnetem, Ostracollum, Sal ammoniacum. Ex vegetabilibus, Arum, Allium, Carduum, Cæpam, Helleborum, Lathyrin, Napellum, Porrum, Sinapi, Vrticam, Tormentillam, Castoreum, Euphorbium, Scammoneam, & venenosa omnia. Ex animalibus, bellicosa, impetuosa, potentia, biliosa, rapacia, vti sunt Hircus, Rhinoceros, Lopus, Pardus; ex auibus, Accipitrem, Falconem, Miluum, Vulturem: è piscibus Lucium, Pastinacam marinam, Canem marinum, Percam.

Res martiales seu Cholerica hora ♂.

IV Sol ♀ res Solares.

Sol benevolus, amicus Iouis & Veneris, reliquis inimicus, cordi sympatheticus est, vti & omnibus cardiacis, vt sequitur.

Res Solares seu cardiacae hora ♀.

Ex mineralibus Aurum, Terram Solarem, sigillatam; ex lapidibus Æitem, Carbunculum, Chrysolithum, Rubinum, & Ambram continet. Ex vegetabilibus, aromata omnia, veluti Cinnamomum, Charyophyllum, Chelidonium, Coronam regis, Granatum, Helenium, Heliotropium, Hypericonem, Laurum, Majoranam, Melissam, Poma citria, Rosmarinum, Milium Solis, Vitæ, Thus, Mel, Myrrham. Ex animalibus, Arietem, Equum, Leonem. Ex auibus, Gallum, Cygnum; ex insectis, Cantharides, Scarabæos, Cincindelas, quibus contrariæ sunt res Lunares.

V Venus ♀ res Venereæ.

Venus, *Αφεδίτη*, beneuola, amica Soli, Marti, Mercurio, Lunæ, inimica Saturno, sympatheticæ est partibus genitalibus; & has species continet.

Res Venereæ seu spermaticæ hora ♀.

Ex mineralibus, Argentum, Ambram; ex lapidibus Berillum, Gonal.

Aaa

ral.

CAP. III 368 OEDIPI AEGYPTIACI GYMNAS. HIEROGL.

rallum, lapidem Lazuli, Saphyrum, Topazium, Tutiam. Ex vegetabilibus, Adianthum, Coriandrum, Cyclamen, Fabarium fragariam. Omnes Orchidum & Satyriorum species; Lilia, Narcissum, Rosam, Serpillum, Thymum, Muscum, & omnis generis thymiamata; ex animalibus, deliciosa, lasciva, mitia, blanda, iucunda, ut sunt Catulus, Cuniculus, Capra, Hircus. Ex avibus, Columbam, Cygnum, Lusciniam, Motacillam, Passerem, Pauonem, Picam, Turtorem.

VI Mercurius ♀ et res Mercuriales.

Mercurius mutabilis, bonus cum bonis, malus cum malis; respicit pulmones, quos influxu suo sympathicè irradiat. Species eius sunt.

Ex mineralibus, Argentum viuum, Marchasita, Smaragdus, Topazius. Ex vegetabilibus, Anisum, Aquilegia, Chamæilla, Fumus terræ, Corylus, Iuniperus, Nummularia, Pentaphyllum, Pimpinella, Scabiosa, Mercurialis, Tussilago, Veronica. Ex animalibus, ingeniosa, astuta, sagacia, abbländientia, loquacia, ut Canis, Simia, Vulpes; ex avibus, Alauda, Pica, Luscinia, Psittacus, Merula, Carduelis. Ex aquatilibus, Rana, piscatrix; ex insectis Formica, Apis, Gryllus, Locusta.

Res Lunares
seu Encéphalica, lumen-
de hora D.

Luna mediocris inter bonitatem & malitiam, respicit cerebrum, & neruofam substantiam; resque sibi subiectæ habet, ut sequitur.

Ex mineralibus, Argentum, Selenitem, Alumen, & omnia salium genera, sicuti & omnia alba, & viridia, ut sunt Corallus alba, Crystallus, Margarita, Mater perlarum, Succinum, Camphora, Ambra. Ex vegetabilibus, Agnus castus, Alkakengi, Arundo, Brassica, Lactuca, Mandragora, Nasturcium, Nymphæa, Iuglans, Portulaca, omnia denique Lunariarum genera, & quæ intrâ aut ad aquas natales suos habent. Ex animalibus, Felis, Anser, Ardea, Mergus, & omnes aquaticæ volucres; ex piscibus, Cancer, Cochleæ, Ostrea, Ranæ; ex insectis, Aranea, Bufo.

Atque hæ sunt species rerum sublunarium septem planetarum domino subiectæ, partim ex Neotericis, partim ex Auenar Arabe extracta; è quibus Aegyptij suas harmonicas concinnabant catenas, ad in medicamentis humani corporis infirmitatibus subueniendum.